



02.april 2019

UPA2019/34

Avammut tunioraaneq pillugu Naalackersuisunut susassaqtunullu sumulluunniit attuumasuteqanngitsumik nalilersueqqissaarluni inassuteqaasiortartussamik, Avammut Tunioraaneq pillugu Siunnersuisooqatigiinnik kingusinnerpaamik UPA2020-imi pilersitseqqullugit Naalackersuisut peqquneqarnissaannik siunnersuut. Ilanngullugu siunnersuutigineqarpoq, avammut tunioraarnerup siuarsarneqarneranut suliniutit ingerlaavartumik nalilersorneqartarnissaat siunnersuisooqatigiit suliassaannut ilaatinneqassasoq.

(Inatsisartunut ilaasortaqa Aleqa Hammond, Nunatta Qitornai)

Ukiuni kingullerni inuussutissarsiorneq siuariartortoq tamatta nuannaarutigeqaarput, tamannami ilaqutariinnut sumiikkaluartuniluunniit atasimut isigalugu iluaqutaasussaammat. Siunissamut isigisumik inuussutissarsiuuteqarnikkut poliitikkeqarneq pingaaruteqaannarani avaqqunneqarsinnaanngilaq.

Naalackersuinikkut inuussutissarsiuutitigut siunnerfik aningaasaliinerillu innuttaasunit ilisimaneqarpata taava inuussutissarsiortortatta inuussutissarsiuulerumaartussallu aningaasaliillutik peqataajumasunit sumut ingerlaffeqarneq peqataaffigisinnaasariaqarlugu siunissaminnut aningaasaatimik atorluarnissaannut pitsanngorsaansaminnullu pilersaarsinnaanerussapput.

Aalisarnermik inuussutissarsiuuteqarnerput patajaallisarneqartuartariaqarpoq sullillutik pilersitsiniarlutillu piumasut tapersersorneqarlutik peqataatinneqassapput aamma aalisarfigiumasani nutaani suliffeqarfinnillu pilersitsiumasut peqataatillugit. Systemerput ima eqaatsigissaaq peqataajumaassutsimik pilersitserusussutsimillu angisuumik innuttaasunut tunniussissalluni, ullumikkut tusartakkavut atuartakkavullu imatut nipeqarajuttarput allaffissornikkut sulineq arrearuttormat aporfissalersueruttormallu sulerusuttut pilersitserusuttullu allaat qasulersarlutik peqataajumassusaallu appartarluni.

Takornariaqarnikkut periarfissaqarpugut nunanit allanit pigineqanngitsunit ullumikkut tamakkiisumik ingerlarsorfiunngitsut.

Inuussutissarsiornerup assakaasorsui sukkatsissapput tamakkorsorluta sulissuugut. Periarfissarpasuit oqaluseriinnarnagit assaat sulissapput, aningaasaliinerit amerlissapput akuersissutillu amerlissapput. Allatut isiorneq arriisaarineruvoq, kinguaarsaeneruvoq oqaasiinnarmiinnerullunilu.

Nunatta Qitornai

Inatsisartuni



Pilersitsiniarnermi pisortat ingerlatsivigeriingaasa qaavatigut siunnersuisooqatigiilliunnginnissaq pingaaruteqarpoq. Pisariaqarpoq namminersortut amerlasuut peqataatineqassasut ilaasortaatinneqassasullu soorlu pisortat ingerlatsivigisaaneersut aamma peqataassasut. Politikkikkut attuumassuteqanngitsumik aammalu allaffissornerup avataanut inissillutik inassuteqartarsinnaanerat isumaqarpugut pitsaasuussasoq aammalu siunnerfiit pillugit pingaarnersiusarnissamut iluaqutaassaqisut.

Isuma tapersorsorparput susasaqartumullu ataatsimiititaliamut innersuullutigu.